

Божественная Литургия Иоанна Златоуста

Диакон: Благослови, владыко!

Священник: Благословено царство Отца и Сына, и Святаго Духа, ныне и присно, и во веки веков.

Хор: Аминь.

Великая Ектения

Диакон: Миром Господу помолимся.

Хор: Господи, помилуй.¹

Диакон: О свышнем мире и спасении душ наших Господу помолимся.

Диакон: О мире всего міра, благостоянии святых Божиих церквей и соединении всех Господу помолимся.

Диакон: О святем храме сем и с верою, благоговением и страхом Божиим входящих в онь Господу помолимся.

(Здесь идут прошения об епископстве и о гражданских властях.)

Диакон: О граде сем, всяком граде, стране и верою живущих в них Господу помолимся.

Диакон: О благорастворении воздушных, о изобилии плодов земных и временех мирных Господу помолимся.

Диакон: О плавающих, путешествующих, недугующих, страждущих, плененных и о спасении их Господу помолимся.

Диакон: Да избавитися нам от всякия скорби, гнева и нужды Господу помолимся.

¹ Повторяется после слов Диакона

Диакон: Заступи, спаси, помилуй и сохрани нас, Боже, Твоею благодатию.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию, со всеми святыми помянувше, сами себе и друг друга и весь живот наш Христу Богу предадим.

Хор: Тебе, Господи.

Священник: Яко подобает Тебе всякая слава, честь и поклонение, Отцу и Сыну, и Святому Духу, ныне и присно, и во веки веков.

Хор: Аминь.

Малая Ектения

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию, со всеми святыми помянувше, сами себе, и друг друга, и весь живот наш Христу Богу предадим.

Хор: Тебе, Господи.

Священник: Яко Твоя держава, и Твое есть Царство, и сила, и слава, Отца и Сына, и Святаго Духа, ныне и присно, и во веки веков. Хор: Аминь.

Малая Ектения

(Смотри выше).

Священник: Яко благ и Человеколюбец Бог еси, и Тебе славу возсылаем, Отцу и Сыну, и Святому Духу, ныне и присно, и во веки веков.

Хор: Аминь.

Заповеди Блаженства

Во Царствии Твоем помяни нас, Господи, егда приидеши во царствии Твоем.

Блажени нищии духом, яко тех есть Царство Небесное.

Блажени плачущии, яко тии утешатся.

Блажени кротцыи, яко тии наследят землю.

Блажени алчущии и жаждущии правды, яко тии насытятся.

Блажени милостивии, яко тии помиловани будут.

Блажени чистии сердцем, яко тии Бога узрят.

Блажени миротворцы, яко тии сынове Божии нарекутся.

Блажени изгнани правды ради, яко тех есть Царство Небесное.

Блажени есте егда поносят вам, и изженут, и рекут всяк зол глагол на вы лжуще Мене ради.

Радуйтесь и веселитесь, яко мзда ваша многа на небесех.

Малый вход

Диакон: Премудрость, прости!

Хор: Приидите, поклонимся и припадем ко Христу. Спаси ны, Сыне Божий, воскресый из мертвых поющия Ти. Аллилуия.

Трисвятое

Священник: Яко свят еси, Боже наш, и Тебе славу возсылаем, Отцу и Сыну, и Святому Духу... Диакон: ныне и присно, и во веки веков.

Хор: Аминь. Святыи Боже, Святыи крепкий, Святыи безсмертныи, помилуй нас (*трижды*).

Слава Отцу, и Сыну, и Святому Духу, и ныне, и присно, и во веки веков, Аминь. Святыи безсмертныи, помилуй нас.

Святыи Боже, Святыи крепкий, Святыи безсмертныи, помилуй нас.

-- *Читается письмо Апостола*

-- *Читается Евангелие*

-- *Проповед²*

² В некоторых храмах проповед читается в конце службы

Сугубая Ектения

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй (трижды).

(Затем вставляются прошения о духовных и гражданских властях).

Диакон: Еще молимся о братьях наших священницех, священномонасех и о всем во Христе братстве нашем.

Хор: Господи, помилуй.³

Диакон: Еще молимся о блаженных и приснопамятных святейших патриарсех православных, и благочестивых царех и благоверных царицах, и создателях святого храма сего, и о всех прежде почивших отцех и братьях наших, зде лежащих и повсюду православных.

Диакон: Еще молимся о плодоносящих и добродееющих во святем и всечестнем храме сем, труждающихся, поющих и предстоящих людех, ожидающих от Тебя великия и богатыя милости.

Священник: Яко милостив и Человеколюбец Бог еси, и Тебе славу возсылаем, Отцу и Сыну, и Святому Духу ...

Хор: Аминь.

³ Повторяется после слов Диакона

Ектения об Оглашенных

Диакон: Помолитесь, оглашеннии, Господеви.

Хор: Господи, помилуй.

Диакон: Вернии, о оглашенных помолимся, да Господь помилует их.

Диакон: Огласит их словом истины.

Диакон: Откроет им Евангелие правды.

Диакон: Соединит их святей Своей соборней и Апостольской Церкви.

Диакон: Спаси, помилуй, заступи и сохрани их, Боже, Твоею благодатию.

Диакон: Оглашеннии, главы ваши Господеви приклоните.

Хор : Тебе, Господи.

Священник: Да и тии с нами славят пречестное и великолепое имя Твое, Отца и Сына и Святаго Духа, ныне и присно, и во веки веков.

Хор: Аминь.

Диакон: Елицы (все те, которые) оглашеннии, изыдите. Оглашении изыдите,...

Да никто от оглашенных, елицы вернии, паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Диакон: Премудрость.

Священник: Яко подобает Тебе всякая слава, честь и поклонение, Отцу и Сыну, и Святому Духу, ныне и присно, и во веки веков.

Хор: Аминь.

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Диакон: Премудрость.

Священник: Яко да под державою Твоею всегда храними, Тебе славу возсылаем, Отцу и Сыну, и Святому Духу, ныне и присно, и во веки веков.

Хор: Аминь.

Херувимская Песнь

Хор: Иже херувимы тайно образующе, и животворящей Троице Трисвятую песнь припевающе, всякое ныне житейское отложим попечение.

Яко да Царя всех подыдем, ангельскими невидимо дори-носима чинми. Аллилуия, Аллилуия, Аллилуия.

Великий Вход

Диакон: Господина нашего преосвящ. митрополита

Священник: Страну сию, правителей и воинство ея, создателей и благотворителей святого храма сего, прихожан, поющих, и всех вас православных христиан да помянет Господь Бог во Царствии Своем, всегда, ныне и присно и во веки веков.

Хор: Аминь. Яко да Царя всех

Просительная Ектения

Диакон: Исполним молитву нашу Господеви.

Хор: Господи, помилуй.⁴

Диакон: О предложенных честных Дарех Господу помолимся.

Диакон: О святем храме сем и с верою, благоговением и страхом Божиим входящих в оны Господу помолимся

Диакон: О избавитися нам от всякия скорби, гнева и нужды Господу помолимся.

Диакон: Заступи, спаси, помилуй и сохрани нас, Боже, Твоею благодатию.

Диакон: Дне всего совершена, свята, мирна и безгрешна у Господа просим.

Хор: Подай, Господи.⁵

Диакон: Ангела мирна, верна наставника, хранителя душ и телес наших у Господа просим.

Диакон: Прощения и оставления грехов и прегрешений наших у Господа просим.

Диакон: Добрых и полезных душам нашим и мира мірови у Господа просим

Диакон: Прочее время живота нашего в мире и покаянии скончати у Господа просим.

Диакон: Христианския кончины живота нашего, безболезненны, непостыдны, мирны и добраго ответа на страшном судищи Христове просим.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию, со всеми святыми помянувше, сами себе и друг друга, и весь живот наш Христу Богу предадим.

Хор: Тебе, Господи.

⁴ Повторяется после слов Диакона

⁵ Повторяется после слов Диакона

Священник: Щедротами Единородного Сына Твоего, с Ним же благословен еси, со пресвятым и благим и животворящим Твоим Духом, ныне и присно, и во веки веков.

Хор: Аминь.

Священник: Мир всем!

Хор: И духови твоему.

Диакон: Возлюбим друг друга, да единомыслием исповемы.

Хор: Отца и Сына, и Святаго Духа, Троицу единосущную и нераздельную.

Диакон: Двери, двери! Премудростию воннем.

Символ веры

Хор: Верую во единого Бога Отца, Вседержителя, Творца небу и земли, видимым же всем и невидимым.

И во единого Господа Иисуса Христа, Сына Божия, Единородного, Иже от Отца рожденнаго прежде всех век. Света от Света, Бога истинна от Бога истинна, рожденна, несотворенна, едино-сущна Отцу, Им же вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день, по Писанием. И возшедшаго на небеса, и седяща одесную Отца. И паки грядущаго со славою судити живым и мертвым, Его же Царствию не будет конца.

И в Духа Святаго, Господа, животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки.

Во едину святую, соборную и Апостольскую Церковь.

Исповедую едино крещение во оставление грехов.

Чаю воскресения мертвых и жизни будущего века. Аминь.

Евхаристический Канон

Диакон: Станем добре, станем со страхом, вонмем, святое возношение в мире приносить.

Хор: Милость мира, жертву хваления.

Священник: Благодать Господа нашего Иисуса Христа, и любви Бога и Отца, и причастие Святаго Духа буди со всеми вами.

Хор: И со духом твоим.

Священник: Горе имеем сердца!

Хор: Имамы ко Господу.

Священник: Благодарим Господа!

Достойно и Праведно Есть

Хор: Достойно и праведно есть поклоняться Отцу и Сыну, и Святому Духу, Троице единосущней и нераздельней.

Священник: Победную песнь поюще, вопиюще, взывающе и глаголюще:

Хор: Свят, свят, свят Господь Саваоф: исполнь небо и земля славы Твоея. Осанна в вышних, благословен грядый во имя Господне. Осанна в вышних.

Священник: Примите, ядите, сие есть тело Мое, еже за вы ломимое во оставление грехов.

Хор: Аминь.

Священник: Пийте от нея вси, сия есть кровь Моя Новаго Завета, яже за вы и за многие изливаемая во оставление грехов.

Хор: Аминь.

Священник: Твоя от Твоих Тебе приносяще о всех и за вся

Хор: Тебе поем, Тебе благословим, Тебе благодарим, Господи, и молимся, Боже наш.

Песнь Достоинно есть

Священник: Изрядно о пресвятей, пречистой, преблагословенней, славней Владычице нашей Богородице и Приснодеве Марии.

Хор: Достоинно есть, яко воистину, блажити Тя Богородицу, присноблаженную и пренепорочную и Матерь Бога нашего, Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

Священник: В первых, помяни, Господи, православное епископство Церкви Российской и Господина нашего, высокопреосвященнейшаго митрополита ... первоиерарха Русской Зарубежной Церкви и ... их же даруй святым Твоим церквам, в мире, целых, честных, здравых, долгоденствующих право правящих слово Твоя истины.

Хор: И всех и вся.

Священник: И даждь нам единими усты и едином сердцем славить и воспевать пречестное и великолепое имя Твое, Отца и Сына и Святаго Духа, ныне и присно, и во веки веков.

Хор: Аминь.

Священник: И да будут милости великаго Бога и Спаса нашего Иисуса Христа со всеми вами.

Хор: И со духом твоим.

Просительная Ектения

Диакон: Вся святыя помянувше, паки и паки миром Господу помолимся

Хор: Господи, помилуй.⁶

Диакон: О принесенных и освященных честных Дарех, Господу помолимся.

Диакон: Яко да Человеколюбец Бог наш, прием я во святыи и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

⁶ Повторяется после слов Диякона

Диакон: О избавитися нам от всякие скорби, гнева и нужды, Господу помолимся.

Диакон: Заступи, спаси, помилуй и сохрани нас, Боже, Твоею благодатию.

Диакон: Дне всего совершенна, свята, мирна и безгрешна у Господа просим.

Хор: Подай, Господи.⁷

Диакон: Ангела мирна, верна наставника, хранителя душ и телес наших у Господа просим.

Диакон: Прощения и оставления грехов и прегрешений наших у Господа просим.

Диакон: Добрых и полезных душам нашим и мира мірови у Господа просим.

Диакон: Прочее время живота нашего в мире и покаянии скончати у Господа просим.

Диакон: Христианския кончины живота нашего, безболезненны, непостыдны, мирны и добраго ответа на страшном судищи Христове просим

Диакон: Соединение веры и причастие Святаго Духа испросивше, сами себе и друг друга и весь живот наш Христу Богу предадим.

Хор: Тебе, Господи.

Священник: И сподоби нас, Владыко, со дерзновением, неосужденно смети призывати Тебе, Небеснаго Бога Отца и глаголати:

Отче наш

Хор: Отче наш, Иже еси на небесех! Да святится имя Твое, да придет Царствие Твое. Да будет воля Твоя, яко на небеси и на земли. Хлеб наш насущный даждь нам днесь. И остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Священник: Яко Твое есть царство, и сила, и слава, Отца и Сына, и Святаго Духа, ныне и присно, и во веки веков.

Хор: Аминь.

⁷ Повторяется после слов Диакона

Священник: Мир всем

Хор: И духови твоему.

Диакон: Главы ваша Господеви приклоните.

Хор: Тебе, Господи.

Священник: Благодатию и щедротами и человеколюбием едиnorodнаго Твоего Сына, с Ним же благословен еси со пресвятым и благим и животворящим Твоим Духом, ныне и присно, и во веки веков.

Хор: Аминь.

Диакон: Вонмем!

Священник: Святая святым.

Хор: Един свят, един Господь, Иисус Христос, во славу Бога Отца. Аминь.

Хор: Хвалите Господа с небес, Хвалите Его в вышних. Аллилуия, аллилуия, аллилуия.

Диакон: Со страхом Божиим и верою приступите.

Хор: Благословен Грядый во имя Господне: Бог Господь и явился нам.

Священник: Верую, Господи, и исповедую, яко Ты еси воистину Христос, Сын Бога живаго, пришедый в мир грешные спасти, от них же первый есмь аз. Еще верую, яко сие самое есть пречистое Тело Твое, и сия самая есть честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься святых Твоих Таинств, во оставление грехов, и в жизнь вечную. Аминь.

Вечери Твоя тайныя днесь, Сыне Божий, причастника мя приими: не бо врагом Твоим тайну повем, ни лобзания Ти дам, яко Иуда, но яко разбойник, исповедаю Тя: помяни мя, Господи, во Царствии Твоем!

Да не в суд или осуждение будет мне причащение пречистых Твоих Тайн, Господи, но во исцеление души и тела. Аминь.

Прича́стие

Хор: Тело Христово примите, источника безсмертнаго вкусите.⁸ Аллилуия, Аллилуия, Аллилуия.

Священник: Спаси, Боже, люди Твоя и благослови достояние Твое!

Хор: Видехом свет истинный, прияхом Духа Небеснаго, обретохом веру истинную, нераздельней Троице поклоняемся: Та бо нас спасла есть.

Да исполнятся уста наша

Священник: (Благословен Бог наш) всегда, ныне и присно, и во веки веков.

Хор: Аминь. Да исполнятся уста наша хваления Твоего, Господи, яко да поем славу Твою, яко сподобил еси нас причаститися святым Твоим, Божественным, безсмертным и животворящим Тайнам: соблюди нас во Твоей святыни, весь день поучатися правде Твоей. Аллилуия, Аллилуия, Аллилуия.

Благодарственная Ектения

Диакон: Прости приемше Божественных, святых, пречистых, безсмертных, страшных Христовых Таин, достойно благодарим Господа.

Хор: Господи, помилуй.⁹

Диакон: Заступи, спаси, помилуй и сохрани нас, Боже, Твоею благодатию.

Диакон: День весь совершен свят, мирен и безгрешен испросивше, сами себе и друг друга и весь живот наш Христу Богу предадим

Хор: Тебе, Господи.

Священник: Яко Ты еси освящение наше, и Тебе славу возсылаем, Отцу и Сыну, и Святому Духу, ныне и присно, и во веки веков.

Хор: Аминь.

⁸ Хор повторяет этот стих, пока причащаются

⁹ Повторяется после слов Диякона

Заамвонная Молитва

Хор: О имени Господни

Диакон: Господу помолимся.

Хор: Господи, помилуй.

Священник: Благословляя благословящия Тя, Господи, и освящай на Тя уповающия! Спаси люди Твоя и благослови достояние Твое, исполнение Церкви Твоея сохрани, освяти любящия благолепие дому Твоего: Ты тех воспрослави Божественною Твоею силою, и не остави нас, уповающих на Тя. Мир миру Твоему даруй, церквам Твоим, священникам, и всем людям Твоим. Яко всякое даяние благо, и всяк дар совершен свыше есть, сходяй от Тебе Отца светов: и Тебе славу, и благодарение, и поклонение возсылаем, Отцу и Сыну, и Святому Духу ныне и присно, и во веки веков.

Хор: Аминь. Буди имя Господне благословенно отныне и до века (трижды).

Отпуст

Священник: Благословение Господне на вас, Того благодатию и человеколюбием, всегда, ныне и присно, и во веки веков.

Хор: Аминь.

Священник: Слава Тебе, Христе Боже, упование наше, слава Тебе.

Хор: Слава Отцу, и Сыну, и Святому Духу, и ныне, и присно, и во веки веков, Аминь. Господи помилуй (трижды), благослови.

Священник: Христос, истинный Бог наш, молитвами Пречистыя Своея Матере, святых славных и всехвальных апостолов, иже во святых отца нашего Иоанна, архиепископа Константина–града, Златоустаго, святых ... и всех святых, помилует и спасет нас, яко благ и человеколюбец.

Хор: Аминь.